



Indgæet

21 FEB. 2017

Inatsisartuni ilaasortaq, Laura Táunâjik
Siumut

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Innarluutilinnut suliaqarfimmut tunngatillugu § 37 naapertorlugu apeqqutip 2017-063-ip akineqarnera

15-02-2017
Suliap nr.
Allagaatip suussusia Nr.
4499358

Qujanaq apeqqutinngorlugit nassiunneqarsimasunut.

Postboks 260
3900 Nuuk
Oqarasuaat (+299) 34 50 00
All (+299) 34 66 66
E-mail: iian@nanoq.gl
www.naalakkersuisut.gl

1. Innarluutilinnut inatsit malittarisassallu qanga kingullermik allannguuteqarlutillu naleqqussaavigineqarpat?

Annertuumik innarluutilit ikiorserneqartarnerat pillugu Inatsisartut peqqussutaata allannguutaanut Inatsisartut peqqussutaat nr. 10, 31. maj 2010-meersoq.

2. Innarluutilinnut atugassarititaasut Inatsisartut aalajangiiffigisaannik atuutilertarnerat pillugu maleruagassanik Kommune immikkut aaqqissuussinermikkut inaarsaasoqartarpa?

Nittartagaq una innersuussutigineqarpoq:

<http://naalakkersuisut.gl/da/Naalakkersuisut/Departementer/Sociale-Anliggender-Familie-Ligestilling-Justitsvaesen/Socialomraedet/Lovgivning/Sociallovgivningen>

Tassaniipput innarluutilinnut inatsisinut tunngatillugu inatsisaasinnaasut, ilitersuutit allallu. Innarluutilinnut inatsisit ataatsimoortinneqarnerat kiisalu annertuumik innarluutilit ikiorserneqartarnerat pillugu ilitersuut matumani erseqqissaatiginiarneqarput.

3. Naalakkersuisoqarfik Ulloq unnuarlu angerlarsimaffinni pisortat sulinerannut qanoq nakkutiginnitsigiva?

Nakkutilliiartortitaasartut kalerriutigeqqaarlugu kalerriutigeqqaarnagulu nakkutilliiartortarput, takuuk Isumaginninnermut tunngasunik nakkutillineq pillugu Namminersornerullutik Oqartussat nalunaarutaat nr. 6, 16. februar 2006-imeersoq.

Innarluutilit pillugit inatsisaasut malillugit inuit annertuumik innarluutilinnut ulloq unnuarlu paaqqinniffiit aquneqarnerat Naalakkersuisut isumagisaraat. Sulinermi Isumaginninnermut, Ilaqutariinnermut, Naligiissitaanermut Inatsisinillu Atuutsitsinermut Naalakkersuisoqarfik taamaalilluni ulloq unnuarlu paaqqinniffinnut suliaqarfimmi ingerlatsisoqarnerani aqutsinissamik ataqatigiissaarinnissamillu akisussaanerpaajuvoq, soorlu inunnik isumaginninnikkut suliatigut, tarnip pissusaatigut perorsaanikkullu ulloq unnuarlu paaqqinniffinnut ilitersuisarneq siunnersuisarnerlu.

4. Naalackersuisoq apeqqummut 3-mut tunngatillugu qanoq oqartussaassuseqartigiva akulerunnissaminullu qanoq periarfissaqartigiva?

Apeqqutitut akissutip pingajuat innersuussutigineqarpoq. Tassunga ilanngullugu erseqqissarneqassaaq Naalackersuisoq ulloq unnuarlu paaqqinniffinnut tunngasuni sulisunut akisussaassuseqanngimmat.

- **Naalackersuisoq iliuseqarsinnaanngippat akisussaaffik kia paarivaa?**

Apeqqutitut akissutip pingajuat innersuussutigineqarpoq.

- **Qaqugukkut aaqqiagiinngissutit pillugit iliuseqartoqartarpa? Qanorlu malittarisassat atuutitineqartarpa?**

Apeqqutigineqartoq iluamik paasinartunngorlugu oqaasertalerneqarsimannilaq. Ilaatigut nalunaartussaataaneq pillugu malittarisassaqaqnera innersuussutigineqarsinnaavoq. Tamatuma saniatigut paaqqinniffimmi siunertarineqartut, inuillu inissinneqartut pisariaqartitaat pingaarnertut eqqarsaatigalugit pisariaqarpat naalackersuisoqarfik sulianut aalajangersimasunut ilanngussinnaavoq.

5. Innarluutillit angajoqqaavi naammaginngisaminnik nalaataqarsimagunik sumut saaffiginnissappat?

- **Maalaarfissaqarunik sumut saaffiginnissinnaappat?**
- **Maalaarfissaqanngippata kikkunnut saaffiginnissappat?**
- **Tutsuiginartumik naapertuulluartumillu kiffartuunneqarnissaminut isumalluarsinnaappat?**

Isumaginnittoqarfiup aqunneqarnera aaqqissugaaneralu pillugit inatsisit malillugit isumaginnikkut naammagittaalliortarfimmik pilersitsisoqarsimavoq, taannalu naammagittaalliorfigineqarsinnaavoq. Naammagittaalliutigineqartuttaaq Inatsisartut ombudsmandianut suliassanngortinneqarsinnaapput.

Naggasiutigalugu erseqqissarneqassaaq UPA 2017-imi innarluutilinnut oqaaseqartartussaq pillugu inatsisissatut siunnersuummik saqqummiisoqarnissaa pilersaarutaammat. Inatsisissatut siunnersuut tusarniutigineqareerpoq, UPA 2017-imilu saqqummiunneqartussatut ilimagineqarluni.

Inussiarnersumik inuulluaqqusillunga
Med venlig hilsen

Sara Olsvig

